



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

26 d Anna Marie Mütter.

**urn:nbn:de:hbz:466:1-41449**

## Julius

Item die erfindung des heyligen Priefers vnd  
Beichtigers Judoct/ von welchem am 13. 10 g Chriſt-  
monats weyter.

Item die gedächtnuß des heyligen Joſie/ welcher  
mit S. Jacobo dem Apoſtel enthauptet ward/ wie ob-  
gemelt.

d vij. Calend. Auguſt.

## Der XXVI. Tag im Heym.

**B**est ist der Tag der entſchlaffung der heyligen be-  
rühmpten vnd edlen Frauen Anne/ die ein wür-  
dige Mütter der Gottes Gebererin/ vnd allzeit  
Juncckfrauen Marie gewesen/ von dem Geſchlecht Ju-  
da zu Bethlehem/ wie auch ihr heyliger Gemahel Joa-  
chim von dem Geſchlecht Juda zu Nazareth geboren.  
Von welchem Ehemann ſie/ wiewol vnfruchtbar/ nach  
offenbarung des Engels die ſeligſte Juncckfraw Mari-  
am empfangen vnd geboren. Sie vnd ihr Mann Joa-  
chim hetten ein gewonheit/ ihre Güter inn drey thail zu  
thailen/ also daß ſie einen thail Gott vnd der Kirchen/  
den andern den lieben armen/ den dritten aber/ zu ihren  
notturfft außgaben vnd braucheten / S. Anne Haupt-  
rhuet zu Düren in Jüllicher Landſchafft.

Item der Geburtstag des heyligen Heraſii/ eines  
auß den 72. jünger Chriſti/ der von S. Paulo den Phi-  
lippern zum Biſchoff gelaffen/ vnd daſelbſt mit der mar-  
ter gekrönt worden.

Item zu Rom des heyligen Diacons vnd Mar-  
terers Hiacinthi/ welcher vmb Chriſtliche Glaubens-  
willen

willen vnder dem Rathohern Leontio erstlich inn ein feur gesetzt/darnach in ein grossen Bach geworffen/ vnd endlich / da er vnuerlest blib / mit dem Schwert erstochen worden.

Item auch zu Rom/ der heyligen marterer Simphronij/ Olimpij/ Theodoli vñ Cruperie / welche vnder den Kaysern Valeriano vnd Galieno Ritterlich gestritten haben. Simphronius war ein Schaffner des heyligen Nemesij / ( von welchem am anderen Tag Augustmonats gemeldet wirdt ) ist aber von dem heyligen Pappst Stephano beköt worden / darumb ließ ihn der Richter Olimpius an einer Ram aufstrecken/ vnd mit Kolben schlagen. Da aber durch sein Gebett ein Abgott zu Staub ward / ist Olimpius sampt seinem Weib Cruperia/ vnd seinem Sun Theodolo zu Christo beköhret/ vnd volgendts alle gefangen/ vnd mit Feuer verbrennt worden.

Anno Dñi  
269.

Item des heyligen Bischoffs vnd marterers Sobi.

Item zu Rom des heyligen Priesters vnd Reichthigers Pastoris/ der ein Bruder war des heiligen Pappsts Pij/ von welchem am 11. tag dis Monats gemeldet ist. Disem Pastori hat S. Pudens seine 3. Töchtern Potentianam vnd Praxedem befolhen/ vnd nach dem er Ritterlich gestritten/ vnd viler H. leiber ehlich begraben hette / ist er im freid entschlaffen.

Item eines andern H. Pastoris/ eines Einsidels/ welcher dise lehr gab meñglichen / der Mensch hab nie kein vrsach zu zürnen/ so man jm auch die augen außrisse/ allein wann man jn von Gott wölle absündern vnd abführen/ so möge er sich erzürnen.

Item

## Julius

Item bey Mantua/inn S. Benedicts Kloster /  
des heyligen Münchs vnd Einsidels Simeonis / der  
in gutem alter rhüet/ vnd mit grossen Wunderzeichen  
leuchtet.

Item des heyligen Beichtigers Valeris (der ein  
Sun war Albane) welchen S. Eucharis der erst Bis-  
choff zu Trier vom Tode aufferweckt.

Item zu Trier des heiligen Priesters vnd Beich-  
tigers Beati/der zu Koblenz in der Carthaus begraben  
ligt.

Item zu Paris die erhebung des glorwürdigen vñ  
fürtrefflichen Manns Marcelli/desselden orts Pfarhers/  
dessen leib inn der seligen Junckfrawen Marie Kirchen  
rhüet.

Item in der Statt Tenremunda der H. Junckfraw-  
en Christiane / die war des Englischen Königs Mi-  
granimi einige Tochter/ gegen iren Abgöttern nach iren  
Etern lehr gar andechtig / welche Gott der Allmechtig  
angesehen/ jr ein Engel von Himmel ir gestalt eines ar-  
men schicket/der sie in Christlichem Glauben vnderich-  
tet/vnd sie tauffen ließ / auß welches fürung vnd gelait  
sie auch gen Dieleuene kam.

Item in Behmerland selige gedechtnus Johans  
Ducule/Beichtigers vnd Prediger Dicens.

e vj. Calend. August.

## Der XXVII. Tag im Heym.

Matth. 17.

**G**ut ist der Tag/daran Christus auff dem Berg  
Zabor vor seinen drey liebsten Jüngern / nemb-  
lich Petro / Johanne vnd Jacobo / auch inn  
bewe-